


壺關縣志

一至四



DS.  
793  
S32H844  
1770  
v.1







正關親士

官商親

正關



壺關縣志

二  
錫

官衙藏板



予讀書中秘縣尹三原張公以志託且屬予同館後公  
趙公爲之序未幾張解任去予亦外補其事遂寢宦遊  
奔走校閱未遑自歸田後竊有志焉顧一枝林棲距城  
邑爲遠每遇田賦之重征丁徭之暴集事出不經莫如  
之何嘉靖己未臘月覃懷何侯來牧吾邑至屬審編於  
時清裁贏餘去無丁之役者十之四五已而條陳民瘼  
縷縷當道憫壺之差繁役重地瘠民貧昭然於公案者  
半丑歲侯慨然以邑志屬余余不獲辭日殫心  
力之家乘搜之碑碣叅之簿牒質之經史  
遠不遺爲凡例有七爲綱有四爲目



則疆域山川形勝城池戶口里甲田賦

署橋鋪坊巷村市寺觀塚墓古蹟繫之

貝縣學邑屬繫之曰人品則勲業科貢徵薦節

義貞烈褒贈耆壽僑寓吏仕例授繫之曰藝文則御製  
詩文繫之畫輯夜思再閱月而志完事若粗備而詞則  
俚言若過直而情則核雖不敢附於作者之例而芟訛  
釐正宣利剔弊開卷足徵倘由此以軫憂民者之念疲  
癯庶少蘇乎張公昔日之託予數十年未酬之志今成  
於何公知我罪我所不敢辭嘉靖四十年辛酉五日邑

人西林張鐸撰



壺邑居上黨之顛地瘠民瘵幸民俗儉樸勤于稼穡猶有陶唐氏之遺風焉余莅任八載公餘留覽前志修於嘉靖朝西林張公簡而核質而文創始之功宜歸之矣本朝定鼎百度維新較之昔日賦役有重輕矣戶口有增減矣人文有盛衰風俗有淳漓矣今昔不相及因革不相沿可無重輯以備輜軒之採乎乃不揣固陋考之文獻酌之前史勿以善小而不錄勿以單寒而見遺勿鈎奇而不經勿組繪而掩實碑砥殘也勿敢棄愛憎紛也勿敢徇博咨紳士可否允協復懇秀源周先生總裁而鑒定之闕可疑存可信比類徵詞務折衷於至當雖擗



敢曰定本而大槩已犁然矣若夫風俗胡以維賦役古  
以均戶口胡以牧寧人文胡以培養有流有源有利有  
弊是在司牧者蚤見熟圖審時觀變卽記載以資考證  
而非必恃記載以爲治也良醫不執方治疾是在良有  
司善爲之矣順治十八年辛丑仲夏壺關縣知縣浙水  
朱輔書



邑志之作所以彰往察來昭勸垂戒以備太史輶軒之採也凡邑之疆域山川戶口田賦文德武功忠孝節義與夫地方風俗歲時灾祥鉅細畢陳後之人可一覽而無遺焉壺爲古黎侯國重關雄峻險要扼守歷代相仍至今河山不改而簡編亡失竟無志書自故明弘治乙卯州守馬公以郡乘畧載邑事後嘉靖間覃川何侯屬庶常邑人西林張公輯志審訪搜討芟訛釐正爲綱有四爲目三十有四已較若列眉矣

國朝順治辛丑歲禾水朱侯復爲重修頗無缺畧今又二十載矣雖壺邑士尙氣節民多樸厚務農重穀崇儉抑



浮風氣未甚變易然其間天時人事迭更不同余蒞任  
三載政暇之餘常欲增修是志深以鄙陋自慚迺詢之  
紳士諮之父老廣稽慎擇務求至當詳核名實允協輿  
論其舊存者仍之缺者補之遺者續之疑信者考正之  
庶展卷無挂漏之憾亦無闌入之失云爾  
昔康熙二十  
年辛酉季夏壺關縣知縣富春章經書



壺志始輯於前明張太史西林先生之手先生諱鐸奉  
邑人也迨至我

朝邑宰朱泉菴續修於順治辛丑年間越二十載康熙辛  
酉富春章理齋治此復修輯之以傳於今乾隆乙酉冬  
余自北平教授來令於壺距章公八十餘年未有謀及  
於此者顧余民社初膺事多未諳又何敢遽謀重輯蒙  
郡憲潛齋張公念我壺志年代久遠宜更修輯且新汰  
平順隸新興十里亦宜編入以昭信守余因集邑之紳  
士告以

公意聞者莫不踴躍從事惟恐修之不至而或成之不足



也爰卽據舊志及平順志與夫新采事實條分縷析補  
缺畧刪繁複存其實不增其華始役於戊子孟冬脫稿  
於己丑暮春成書十八卷爲目二十有三事蹟辭簡犁  
然不支雖言之無文未足行遠而是非曲直一本公論  
亦庶幾無負

皆

乾隆三十四年己丑孟夏壺關縣知縣楊宸書



新修壺關縣志序

先是楊君榆眠宰是邑承

郡伯張潛齋公命謂壺志

之未修者閱數十年此數十年中凡陵谷生羶之異賦役戶口之更官師人物之賢文章著作之雅皆不可以

不志也因爲修輯已有成書以事去官未及授梓已丑

春

柄

奉

簡命承乏茲邑抵任伊始適楊君以所輯志藁見示以初

莅事未遑謀剗劂也既越歲以受楊君誣諉且此舉所

係者大亟欲葺其事又慮楊君所編集者或有未盡聚

邑之人士面咨之復多爲示以逮遠所恐往蹟殘簡示



德軼事未徧摭羅遲之數月以竣舉報而應者寥寥又

柄每以事行所部必留意采訪迄無所得間有入聞見

者悉藁中所有然後知楊君之有裨事於此者已三年矣

當其銳然操觚固已極爲採掇夫寧有欲成裘而反舍

腋欲大冶而反棄礦者哉長夏公餘輒取其藁稍爲叅

訂大抵語尙夫質事取其覈體例求其當無~~義~~義要雖

文人韻士之著述可去也有裨風教雖堯夫野老之傳

說可存也不設成見不叅私意訂譌闕疑刪蕪補缺楊

君之已事如是以<sup>柄</sup>之謏陋又安能有加於是哉夫壺

邑之名在昔之所隸屬者自廣而以今治言之則固彈



九也然邑志卽古間史原以備輶軒之采故考其山川  
形勝可以知保障財賦徭役可以循成法土宜物產可  
以悉民隱先詰聞人幽貞懿行可以使人感發而興起  
卽凡所列詞章亦可使人徵文攷獻摘藻擣華詠歌舞  
蹈于不自禁斯其資夫化理而關乎人心風俗者凡志  
皆然壺雖小邑僻處山陬而其濡沐我

國家重熙累洽之化凡典章文物之盛蓋有倍蓰于疇曩  
者譬之耽山水者卽尺澗部婁亦必窮其幽勝蘄無匿  
景此楊君所爲兢兢蒐擇沿舊益新而必一邑之事瞭  
如指掌也獨愧柄也以雕蟲之技謬爲續貂殊無當於



大雅聊藉手以觀茲事之成焉耳

乾隆三十五年庚寅七月既望

賜同進士出身文林郎知壺關縣事秦之柄謹序



新修壺關縣志

鑒定

前山西潞安府正堂加六級紀錄士二次記大功十二次張淑渠  
署山西潞安府正堂沁州正堂加三級紀錄士五次姚學瑛  
前署理山西潞安府清軍糧鹽總捕分府分駐太義鎮陳于藩  
署理山西潞安府清軍糧鹽總捕分府分駐太義鎮王布德  
山西潞安府清軍糧鹽總捕分府分駐太義鎮加五級紀錄十次繆其吉  
纂修

前山西潞安府壺關縣知縣紀錄三次楊宸  
前署理山西潞安府壺關縣知縣喬應發



山西潞安府壺關縣知縣 秦之柄

同修

山西潞安府壺關縣教諭 王執蒲

山西潞安府壺關縣訓導 孫悉

監刊

前山西潞安府壺關縣典史 祝志遠

前署理山西潞安府壺關縣典史 潘鳳來

山西潞安府壺關縣典史 呂仕正

編輯

馮文止

乾隆己卯科解元癸未科進士



王極 乾隆癸酉科舉人

秦朝芝 乾隆丁卯科舉人

王奇士 乾隆庚辰科舉人

平梓 乾隆壬午科舉人

採訪

武師慶 劉鏐 俱拔貢生 郎應章 郭又蘧

韓忠 王華浙 郎克順 閻體仁

申爾卿 以上俱歲貢生 杜樞 候補教諭 郭恒 王錫璵

栗廷模 張丙勲 平天秩 崔楚 以上俱貢生

劉錚 郭俊 李天植 王錫瓚



閻依仁

武仁愛

趙輔晉

張士奇

崔權

郭天重

王履中

平樞

連三多

閻邦直

以上俱廩生

陳彥卿

王夢卿

吳愼

平晟

陳倬

陳益達

馬芸

崔元超

張蒙訓

吳忱

平廣德

程松齡

程瑞銑

陳範

雷可畏

張禮

連廷琪

張蘊

張錚

馬士桂

陳恪

閻世爵

連昌素

秦國典

平而奇

程穎願

姬永齡

靳重光

王天宣

弓維藩



栗雙成

王修齡

馮冠軍

張鵬舉

吳元紱

牛建平

栗培始

郭威遠

郭耀武

武秉鉞

宋苾仁

馬蓉

許昌僚

王兆熊

閻梧

平珺

馬鳳翰

郭翊唐

賈伏

馬有功

以上俱生員

校對

吳元綸

平桂

許鈞

李枚

陳潛

張天祿

梁祖澤公

閔文錦

郭興輔唐大學

馮文安

李世棟

張九經

杜進讓

李璉

吳元魁紳

王天叙



武遵訓

王應鳳

劉國士俱庠生侯兆鳳

任秉德俱儒童



凡例

一舊志修於康熙年間壺地之分隸平順者自不應及今平順既裁撥還舊疆十里故凡事宜悉爲采入與壺一體編次

一古壺關地甚廣實有今長治黎潞之地故人物古蹟往往於三志互見茲核其實蹟現在今壺關者始行採入

一舊志每類首作月論無益於實事而祇覺繁文今悉去之

一壺景十二多未確鑿如壺口舊關久已割入黎城



縣舊志所引羊頭之阨而羊頭山又割入長子縣  
今按景之無據者槩行刪削其他山川道里疆域  
悉從其實以便查覈

一舊志外誤甚多如春秋魯哀公四年則云十四年  
明四輔官則遺王本誤杜祐而倒序吳源又落上  
旬十日今悉照經史改正

一通志云壺關平順星野附府今仍舊志從闕

一記載人物事蹟貴於各歸條目不繁不漏舊志有  
雜出複見無益觀覽徒增疑竇者今於應敘應分  
之處不敢有重複亦欲無掛漏事同舊志而較若



分明

一舊志雖屢經修輯而科目人物詩詠篇章間有遺漏今悉照省志郡志及史傳增入或有耳目所未逮者仍望後之賢者考核增修

一藝文間有刪潤蓋愛璧拭瑕之意非敢輕爲啜點也







壺關縣志目錄

卷之一

沿革

疆域

形勝

舖遞

關隘

堡寨附

卷之二

山川

水利附

風俗

物產

卷之三

城池

里甲

鎮集

橋梁

坊巷附



壇廟

寺觀附

卷之四

公署

學校

社學

書院附

田賦

丁徭

雜課

鹽引附

戶口

倉儲

兵防

卷之五

職官



名宦

卷之六

選舉

卷之七

選舉

貢生

例仕

武秩

封蔭

鄉飲附

卷之八

人物

卷之九

人物

義民附

卷之十



列女

卷之十一

列女

卷之十二

寓賢

仙釋

藝術附

舊蹟

古墓附

祥異

卷之十三

藝文



卷之十四

藝文

卷之十五

藝文

卷之十六

藝文

卷之十七

藝文補遺

卷之十八

遺事



辯證



本縣圖

縣境圖

縣城之圖

衙署圖

縣學圖



縣境圖










縣城之圖

濟泉池

龍王廟


檀山

馬駒



北街

東街




文昌閣

儒學

書院



燕燕池




鳳山塔




三老祠








衙署圖










縣學圖

教諭宅


尊經閣

訓導宅




書院大門











壺關縣志卷之一

沿革

壺關古黎氏地春秋時赤翟潞氏傳黎氏地晉伐潞  
仍立黎侯尋為晉所并左傳晉襄公四年齊侯晉取  
八邑在壺口是晉已并黎也  
戰國時屬韓其後或屬趙秦并天下為上黨郡地漢  
始置壺關縣水經注云縣有壺口隸上黨郡晉并  
立孝惠六年武為侯國後漢末晉徙郡治於此  
為壺關縣晉書地理志云潞安侯石勒徙郡治於此  
三年後趙石勒置上黨郡隋析壺關置上黨縣  
宋初省上黨郡武德四年析上黨復置壺關縣







壺關縣志卷之一

沿革

壺關古黎氏地春秋時赤翟潞氏奪黎氏地晉伐潞  
仍立黎侯尋爲晉所并

左傳魯哀公四年齊伐晉取八邑有壺口是晉已并黎也

戰國時屬韓其後或屬趙秦并天下爲上黨郡地漢

始置壺關縣

水經注云縣有壺口關故曰壺關

隸上黨郡呂后元年

立孝惠後宮子武爲侯國後漢末嘗徙郡治於此晉

爲壺關縣後罷慕容儁又遷郡治於此北魏太和十

三年復置壺關縣隸上黨郡隋析壺關置上黨縣大

業初省入上黨唐武德四年析上黨復置壺關縣治



高望堡貞觀十七年移治進流川或作清卽今治宋

隸隆德府金元隸潞州明初亦屬潞州嘉靖八年改

州爲府屬潞安府又割壺關地十里並割黎潞地置  
平順縣

國朝仍屬潞安府乾隆二十七年裁平順撥還壺關地  
十里今編戶共三十四里

柄按壺關舊志云本商黎侯國書西伯戡黎卽此蓋  
據蔡傳而言又云卽黎侯失國而寓於衛之黎據杜  
預釋文而言水經注云漳水逕壺關縣故城西又屈  
逕其城北故黎侯國也有黎亭括地志云故黎城黎



侯國也在潞州黎城東十八里尚書云西伯戡黎是  
也是皆以戡黎之黎與寓衛之黎皆此黎也然上黨  
壺關忽郡忽縣更迭易名今長治古亦云壺關安在  
今壺關卽古黎國乎但嚴氏榮云黎上黨之東卽衛  
之附庸今按壺關羊腸坂通河南輝縣是衛與黎本  
接壤其以今壺關爲黎侯之國者近是又縣之東北  
二十餘里有黎嶺故老相傳云卽古黎侯國去羊腸  
坂不遠去今黎城縣則六七十里呂氏春秋謂武王  
封帝堯之後于黎城是黎城之名自昔有之恐非此  
黎國也地理今釋乃云黎國今山西潞安府黎城平



全陽縣志 卷一  
順二縣地或以黎城漢晉以來皆屬上黨故大畧斥  
之歟蓋不可考其實矣

疆域

壺關縣

在府東南三十里

東西廣一百五十里南北袤一百二十里

東至河南彰德府林縣界八圪搭村一百四十里

西至長治縣界沙河村十里

南至澤州府陵川縣界後河村九十里

北至潞城縣界北干村四十里



東南至河南彰德府林縣界嘴則上村一百六十里

西南至長治縣界壕寨村四十里

西北至潞城縣界東縣村三十里

東北至潞城縣界王庄河村六十里

東至河南彰德府林縣治一百八十里

西至長治縣治二十五里

南至澤州府陵川縣治一百五里

北至潞城縣治六十里

東南至河南衛輝府輝縣治三百里

西南至澤州府高平縣治一百二十里



西北至襄垣縣治一百五里

東北至黎城縣治一百三十里

東經崇賢村十五里固店十里晉庄村五里常家池村五里龍畛村十五里羊嵬村十三里趙城村十三里杏城村十三里玉峽關十三里杏園村三十里又八里至河南彰德府林縣界八圪搭村

東南經四家池村禾登村固村胥十里長寧村二十里三郊口村二十里馬家庄十里窟頭村五里斛坡村十里盤底村三十里玉皇廟五里橋上村三里大河村七里楊家池村十里馮家灣五里峽山站五里



至河南彰德府林縣界嘴則上村

南經宋堡村十五里自羊護村至柏林村二十五里  
寨河村十五里方山村十五里馬安壑十里至澤州  
府陵川縣界後河村

西南經小山村十里宋堡村五里好牢村二十里大  
峪鎮五里至長治縣界璩寨村

西經程村五里又五里至長治縣界沙河村

西北經大河口村五里集店村三里長井舖二里至  
長治縣界西長井村

北經壇後村五里睢庄村七里辛村八里苗庄村十



里又十里至潞城縣界北干村

東北經南凰村至大返頭又五里至潞城縣界王庄村

自縣至山西省城太原府四百八十里由潞黎入河南界經直隸順德府至

京師一千四百里

形勝

面紫團玉峽之勝背龍溪鳳嶺之奇左縈風穴返頭之險右據馬鞍佛耳之雄萬嶂廻環諸峯羅列宛然一壺縣因此得名又唐元宗詩壺關籠舊林故又名曰



壺林有天然之景十曰團峯倚秀佛耳摩雲翠微仙  
洞風穴秋音鳥泉夕照燕池浮碧北極靈跡玉峽通  
天琳宮仙筆梵宇神燈

舖遞

在城總舖在縣前長井舖通長治

關隘

羊腸坂東南一百六里漢書地理志壺關有羊腸坂

長三里曲盤如羊腸然通典文獻通考輿地考皆同榭林隘東南

一百二十里在羊腸坂上山徑僅容人行通河南輝

縣戰國蔡澤謂應侯曰決羊腸之險塞太行之道



趙收天下以伐齊蘇厲爲齊說趙王曰秦盡韓魏之上黨則地與國都邦屬而壤挈者七百里秦以三軍強弩坐羊腸之上卽地去邯鄲二十里且齊以三軍攻王之上黨而危其北則勾注之西非王之有也

史記正義秦上黨郡今澤潞儀沁等四州之地兼相州之半韓總有之至七國時趙得儀沁二州之地韓猶有潞州及澤州之半半屬趙魏沁州在羊腸坂之西儀并代三州在勾注山之南秦以三郡攻趙之澤潞則勾注之南趙無地後漢魏郡趙國常山中

山增六百一十六鳩河內通谷衝要增三十三鳩



胥緣太行諸郡縣而立塢以守也

十八盤隘東南八十五里山徑僅容人行通河南林縣

楊家石塘口

上黨記東山在城東南  
晉申生所伐今名無辜

正梯隘東一百一十里路通林縣形險似梯一名梯頭

隘

龍盤山西二十里有大小二嶺鳥道崎嶇嶺西尤險東

傍羊腸西臨隋澗康熙二十八年平順知縣杜之昂

自大渠村西至龍盤山又西至羊井舖修道廣六七

尺築攔馬牆

玉峽關在新興二里花園村西高山岫嶺名風門腦路



下河南林縣兩山峭立若玉峽然舊置巡檢今裁有  
營房一所駐兵五名

堡寨

崇賢堡

辛村寨

好牢寨

俱廢



壺關縣志卷二

山川

太行山在縣東南府志云太行山麓壺關與河南林縣分界又云千里一片石舉上黨之山皆太行山也按上黨居太行之巔而壺關又居上黨之巔凡壺境之山皆太行之支脉朱子所稱河北望之如黑雲在天半者卽今花園梯一帶是也

紫團山在縣東南百六十里高二十五里盤踞二百二十里連太行山接林縣界古紫團真人修真地有翠微洞洞前有白雲潭巔常有紫氣團團如蓋山麓瀑



布如噴玉如垂虹溪如環如箭深谷之中有殷雷絕  
巔之上有烈日昔產紫團參後絕 元致和中王宋

三十六景詩有迎暘峯倚秀峯碧蘿峯老人峯金屋  
山鴟尾山天杠摩崖山仙翁崖東華表西華表濯纓  
溪南極園駐雲亭 周一梧詩又有二仙翠微二洞

白虎潭白雲崇雲雲蓋三寺又謂紫團山峭拔翠聳  
俯瞰雲烟中間瀑布流泉霞城洞府求之海內不可  
多得諸刹又創自隋唐而雲蓋先爲墜崖所壓僅得  
磨崖一碑至慈林有輔道三十六詠而已亡其十四  
舟車不通人踪罕至地主乏九方之識而山靈負塩



車之泣此語殊悲宜勒山銘 栗應宏遊紫團山記  
穿林木而上十里及慈雲寺觀元人三十六景詩碣  
繇慈雲石磴砢屈攀巖而下爲雲蓋寺山勢四壁巉  
兀西連王屋東俯林慮諸峯南北相拱帶跨青蓮白  
泉之勝爲太行樞要復繇東峯入屏山遮地卽爲參  
園歷西筆峯復西轉觀瀑布采藥飲泉而歸數日復  
陟西峯石局 雲蓋峯在紫團山以雲蓋寺名又山  
畔有慈雲寺胥唐時名刹 翠微洞紫團真人面壁  
地也洞口劣狹容一人偃偻入轉身而下側足而行  
高低寬隘倏變山水與人間無異水源如縷如綫如



蓋如碗石髓上騰爲鍾乳如檳榔葡萄穗垂地如玉  
柱巨至合抱坐如瞿曇立如阿修羅虎豹遊龍閃爍  
變幻旁穴岐徑旋轉卽迷深閭或燭不能燃莫窮其  
際相傳直透太行外數百里云 鳳臺山在紫團山

西二十里樂氏二仙冲舉於此周一梧志西來諸山  
至此忽變莊嚴峭拔翱翔飛舞至於山巔萬壑梳風  
羣峯冒日一望海天杳然無際 櫻桃掌在紫團鄉

三壅山在縣東南九十里遶高二十五里盤踞二百四  
十五里山勢壅障者三下有水名壅水東南入林縣

界



羊腸坂在東南一百六里

抱犢山在縣南四十里高十三里盤踞七十五里 五

朝志上黨縣有羊頭山抱犢山文獻通考金史胥謂  
在壺關境內

東山在東二里述高三里盤踞十八里 上黨記東山  
在城東南晉申生所伐今名無辜

馬駒山在縣東十里高五里盤踞三十五里 唐志上  
黨有馬駒山相傳石勒時有人獲一石形似馬駒因  
名

窟窿山在縣東南庄則村 土人燒石以通林縣之道約  
八九十步如洞穴然其中黝



昧騎者必下率  
嬰珊勃率以行

靖林山在縣東七十里

龍山在縣東南五里遶高三里盤踞二十里

鳳山在縣東南五里遶高三里盤踞三十一里上有鳳

山浮圖

龍石山在縣東南七里遶高八里盤踞三十五里山巔  
石上有龍形祈雨多應

紫巖山在縣東南十三里遶高三里盤踞三十五里巖  
石紫土人名石巖頭

鳥泉山在縣東南二十里遶高八里盤踞六十三里山



半有泉伏流土色黑因以名山

安公山在縣東南七十里陵川界逶高九里盤踞六十  
四里相傳比邱安公隱此末期卒俄而巔出石棺里  
人收葬之

麥積山在縣東南七十里以形似名

五指山在縣東南八十里逶高二十里盤踞百二十八  
里連太行山接林縣界

赤崖在縣東南九十里

龍泉山在縣南二十里逶高三里盤踞十八里山胥青  
石中有砂石五丈



黃山在縣南二十八里逋高八里盤踞四十二里山色

黃明崇禎六年生白脂民取以食名黃山麵

石魚坂在黃山後天新雨上輒有五色魚現

樓峯在縣南三十里黃臺絕頂邑南境最高峯乃馮坡  
之亥山也昔人嘗以多寶崇壽名之相傳古有高樓  
址存

佛耳山在縣南四十里長治界柏林鎮逋高十一里盤  
踞六十二里

鸞山在佛耳山迤東一里許山巔有北極祠

趙屋嶺在縣南六十里上有鐵礦又產赤白石灰



赤壤山在縣南六十里逋高八里盤踞三十五里

地形志壺關有赤壤川其地寒而早霜

神山在城西南一里逋高二里盤踞二十二里

高望山在縣西南一里逋高三里盤踞二十五里卽南  
壇山唐武德四年置壺關縣於高望堡

栲栳山土名革栲山在縣西南四里逋高五里盤踞二  
十五里形似栲栳

大峪嶺在縣西南三十里上有鐵鑛

北鳳凰山在縣北十五里逋高五里盤踞三十五里魏  
太平眞君九年二月西幸上黨詔於壺關東北大王



山累石爲三封又斬其北鳳凰山之南足以斷之

壺關山在縣西北五里長治界遞高三里盤踞二十二

里山形似壺通典有壺山

龍溪山近壺關山上建龍王廟

檀山在縣東北三里遞高三里盤踞二十五里唐徐王

元禮爲潞州刺史嘗逐白鹿至此

風穴山在縣東北二十里遞高十里盤踞七十里西有

石竅深不可測聽之嘗有風氣

純山在崇賢村

臥虎山在地南頭村山有青草泉數道涓涓特出雖大



旱不竭

鐵鼓山地形志壺關有羊腸坂靜林山微子城鐵鼓山  
五馬門令狐徵君墓

鴉門子山在東南鄉山最高人跡罕至上有廢寺舊有  
銅佛像十餘盡爲土人攫去又繞山有堡砦遺址

清涼山在安善一里山上建清涼寺故名

大王山在縣東南二十三里按後魏書望氣者言山有  
天子氣太武壘石爲三峯欲厭之後唐元宗果潛龍  
於此

杜公嶺舊名龍盤山有大小二嶺鳥道羊腸致爲崎嶇



康熙二十八年平順知縣杜之昂捐貲雇匠屬役自大渠村至龍盤山又至羊井鋪約三十餘里修治山徑欹者平之窄者寬之曲者直之缺者補之其嶺西尤爲險阻道僅尺許東傍山腰西臨深澗且纍纍頑石斧斤難克杜令親爲踏勘指點工人鑿石開道澗六七尺不等臨崖立攔馬牆行者不患傾跌士民感頌立碑以志名曰杜公嶺又慮自縣至羊井鋪五十里人烟稀少泉源缺乏行人多渴乃捐俸於嶺東置買民曹揚中下地十二畝一分又買李定中地二畝屬民王進一家耕種使收地之利施茶給以硃批印



照糧則官辦立石爲記

蒼龍洞在新興二里深半里有靈湫

燕子池在縣治東南隅卽甘泉池明景泰初知縣蘭興  
濬綠蘋滿池四季常碧他池則無所謂燕池浮碧是  
也

惠澤池在南門外壺關地高峻鑿井甚難明洪武九年  
縣丞郭柏濬池民始獲水利

濟衆池在北門外明成化十四年知縣王佑鑿

龍雨池武有備記縣境北方則龍溪山也山形偏西故  
左向建龍溪橋橋東爲龍雨池水門卽山麓石級壘



浪宛若天造週計五畝餘深計三丈許

西池在縣西門外康熙年間鑿

烏泉迤東有松林一帶斜陽照之則山石皆赤所謂烏泉夕照也因土色黑故名山半有泉伏流

赤崖流泉在縣東南九十里巖有石洞深一里內出盧甘石洞口有泉以土色赤名

濯纓溪在紫團山

橋樓淙在紫團山山徑峭絕下視深壑衆流奔匯

渠頭溝在縣南三里當要道之衝今改道於龍塘河

清流川在縣西南三里一名進流川唐貞觀十七年



移縣治於清流川

壺水在縣西北二里壺關山下發源北流經長治縣西北注濁漳後涸

盈盈水源出紫團山東流出太行入林縣界曰合澗口李郭井在甘泉池側共四井

沾水漢志壺關有沾水東至朝歌入淇

柄按沾水一條舊志引漢志載此但水經云清漳水出上黨沾縣西北少山大黽谷南過縣西又從縣南屈注又云漢分沾縣爲樂平郡治沾縣水出樂平郡沾縣界今樂平屬平定州秦漢則隸上黨郡上黨壺



關漢時無專名故有沾水之說歟至云東至朝歌入淇水經注云淇水出沮如山又東北活水注之水出壺關縣東玷臺下石壁崇高昂藏隱天泉流發于西北隅與金谷水合金谷卽玷臺之西谿也東北會某水又東流注沾水此云沾水入淇殆不可曉

好水泉在新興二里羊圍子以水甘故名

水利說附

一柄按壺關居上黨之東偏無潞河之田岡巒亘互溝澮灌溉之利固未易言卽民間爨汲漱浣亦苦難給柄承乏以來殊心惻於是咨之居民皆云非不極爲



濬淪柰地處高而水就下適相違耳竊疑其說易  
之蒙象云山下出泉白虎通云水之陰氣在黃泉之  
下任養萬物何獨壺邑不然抑孟子所云掘井九軋  
而不及泉或以人憚勞欲速稍供井收卽以爲可用  
汲不轉瞬而涸且廢焉然則緻其甕甃浚其疏鑿斬  
于及泉其養當不窮也是在司牧者諭導之有方矣

### 風俗

壺地居太行之巔土燥而風勁故其人性急心直鮮  
優柔和易之風其君子重然諾其小人好鬪輕生易  
見德怨勤於持家而儉於自奉有唐風蟋蟀之遺故



丈夫出而行賈健婦持門必耕而自食食極粗糲如  
荳葉麥麩之類得飫卽以爲足牧司土者苟能憫其  
儉而養之以惠因其質而進之以文移俗易風較之  
奢靡澆漓之習固未可以等級言矣其他歲時伏臘  
吉凶之儀於諸府小異

物產

穀之屬

黍 稷

粟

小麥

大麥

蕎麥

麻

黑豆

豌豆

果之屬

桃 杏

棗

榛

梨

花紅

李

柰



蔬之屬

茄 芫荽 芥 瓜 瓠 白菜 蘿蔔 韭

葱 蒜 菠菜 芹 扁豆

草之屬

葵 萱 茱萸 紫草 荻 葦

木之屬

楊 柳 松 栢 榆 槐 楸 桑 檀

禽之屬

山鷄 雉 石鷄 鴉 雀 鵲 鴿

獸之屬



兔 狼 狐

藥之屬

人參

紫團山出今無

赤石脂

白石脂

桔梗

蒼朮

藁本

半夏

黃精

天南星

防風

柴胡

前胡

貫仲

茅香

欬冬花

黃芩

貨之屬

絲

綿

鐵

爐甘石

赤崖山出

粗磁器

煤

柄

按壺地高寒麥五六月始熟比刈麥種他穀則時

已過種蕎麥畏霜種菜利微通較不若種他穀故種者

殊少夫粒烝民者惟來牟故春秋無麥禾必書而壺



獨不收麥之利此生計所以薄也况壺之所恃者惟  
春種秋收之穀幸遇順成之年民猶稍可自給不幸  
而遇旱乾冰雹之災秋成無望直待來秋此一年之  
中民其何以生活哉然則禱雨禦雹之方固官斯土  
者所宜講求而一經偏災爲蠲爲賑尤宜懇切以爲  
民請者也又他產亦無珍異凡志所載乃隣邑所俱  
有者又或古有而今無者記風土者不過循舊例書  
如必按志以索則斯志適以病民矣且如陳村進流  
業磁燒缸盆粗碗之類南鄉業煤炭大峪馮坡等處業鉄刷  
礦石石鎔爲生鉄再鎔爲熟鉄之類乃貧民至苦一生計今地產



漸微路多險巇商賈鮮集其爲利也幾何聞前此有  
倡爲按審加稅之說者慎勿仍之以重困此瘠土之  
民也



壺關縣志卷三

城池

壺關漢置縣唐貞觀十七年徙縣治於清流川始建今  
城明洪武二年重修周二里二百四十步東南北三  
門景泰初知縣蘭興補修嘉靖十一年知縣邱鎧勸  
富民張絃新闢西門匾曰通政尋塞二十二年知縣  
李用敬勸諭捐金甃以甃石計高三丈五尺梁口八  
百四十有五張鐸記崇禎間知縣劉士英塞梁口存  
其半東南隅西北隅各建角樓一現存巡舖十六  
國朝順治十三年知縣朱輔重修復闢西門勒石以記



康熙十八年久雨北城圯南門闔閭壞敵樓亦傾知縣章經捐修自爲記十一年知縣王達修補城壕向不聚水惟南關外稍聚水然不旋踵亦涸地高峻故也

康熙二十年知縣章經捐貲買石于東北城濠間隨其高下築堰障水土民德之共爲立石名章公堰今亦淤



里甲

三老鄉七里

永平三里

好義三里

永興二里

永興五里

太平一里

太平二里

長興一里

紫團鄉五里

安伏一里

代寧一里

代寧三里

代寧五里

長寧二里

崇陽鄉五里

修善二里

永寧二里

崇賢一里



清寧二里 林青一里

通潤鄉七里

黃中一里 眉受一里 長興二里

長興三里 長興四里 崇受一里

永安一里

新安鄉十里

新興一里 新興二里 新興三里

新興四里 安化一里 遷善一里

遷善二里 安善一里 安善二里

安善三里



鎮集

大峪

半屬長治

馮坡

固村

辛村

杏城

趙城

花園

古任

橋梁

進德橋在北門外元延祐六年縣尉宋賽因不花

始建弘治初義官閆子昇重修

太平橋在南門外弘治間義官郭榮建

龍溪橋在縣西北二里許福巖寺傍元至元二年建

長井橋

合峪橋邑人知縣楊河爲之記正德癸酉鄉民李思



恭建

陡溝橋在縣南三十里僧普來募緣爲之尙虧一簣  
黃山橋在黃山村橋下有泉東流冬夏不竭知縣朱  
輔捐俸令鄉耆王家棟等重修

觀光橋在柏林

大安橋在大安村中通紫團及陵川路

永濟橋邑人進士郝秉誠爲之記

石橋方侯應明有記

章公堰在東北城濠下康熙二十年知縣章經建闢

縣士民立石



玉帶橋在南關廂外康熙二十年知縣章經建乾隆三十一年知縣楊宸重修

藏龍橋在大覺寺西漢光武因王莽追之急藏於橋

下故名

落絲橋在遷善里因水細故名路通上黨

龍騰橋在新興里俗傳橋下起龍故名

栢橋在遷善里以栢木結構而成古樸且堅

新增橋梁

金龍橋在辛村

樂善橋在下內村鄉耆秦學珍建



秦公橋在石崖頭村

秦公橋在店坡秦學珍建

通便橋在修善村

卜通橋在修善村

德風橋在程村

卜通橋



坊巷

敬惠坊

聚賢坊

澄清坊

以上俱廢

宣化坊

儒林坊

城隍坊

迎恩坊

在北門外

三老坊

為壺關三老乾隆十二年邑令狐茂立人程貴重修

四輔坊

為四輔杜敦立

翰林吉士

司馬大夫

進士坊

俱為張鐸立

東郡

太守

為知府楊能立

兩浙大參

為參政楊奇立以上俱在柏林

先朝元老

在林

青村為敦四世孫敘立兵備副使彭大有書

錦衣坊

在縣前為錦衣衛鎮撫楊綱立進士鏐之

叔祖也人以鏐物故且家於京師輒改坊匾為忠愛不知何所取義失表揚之初意矣

榜眼坊

知縣趙汝梅為洪武初開科榜眼郭翀立

進士坊

一為成化辛丑楊奇立

一為嘉靖壬辰



楊鎡立俱在縣北街一為嘉靖丙戌張鐸立在縣南街

科第坊為永樂甲午科靳斐鵬程坊為永樂丁酉

蟾桂坊為正統九年張能立世科坊在吉坊前為天

化庚子楊觀光坊為成化辛卯楊鴻立鄉薦坊為弘治辛酉

錦坊弘治甲子科七俊坊為牛澄郭希楊鎡楊河亞

魁坊為戊子科宋經魁坊為辛卯

龍躍坊甲子科閆希聯璧坊為張鎮張

尚義坊正統六年奉勅旌表義民坊九為郭麟楊慶

王英牛聚良王仕

貞節坊一為王觀妻程氏立洪武十九年一為生員



楊昱妻呂氏立

嘉靖十二年

巷

儒林巷

東井巷

城隍巷

郭家巷

閻家巷

牛家巷

韓家巷







壇廟

先師廟在城內縣治東南

詳見學校藝文

文昌閣在明倫堂東南康熙二十年知縣章經修葺

啟聖公祠舊在文廟西北乾隆三十二年知縣楊宸因祠偏處西北隅且壞重建於正南向之敬一亭爲祠卽於舊祠址改建敬一亭

先農壇在縣南一里雍正五年知縣陳如平建

社稷壇在城西北一里明洪武二年縣丞陳欽建雍正十二年知縣顏肇亮修今制歲以春秋二仲月上戊日致祭



風雲雷雨山川壇在城西南一里洪武二年建雍正十二年知縣顏肇亮修今制歲以春秋二仲月上巳日致祭

城隍廟在城敬惠坊洪武二年縣丞陳欽建今制歲以春秋二仲月上巳日合祭於風雲雷雨山川壇

邑厲壇在縣北三里洪武八年建今制歲以清明日七月十五日十月初一日致祭

名宦鄉賢祠

並見儒學

大禹廟在辛村元延祐六年建

府志云大禹治水經歷之所也

唐太宗廟在縣南七里四家池有司歲以六月二十四



日致祭

李衛公廟在北關廂元至元十六年建

風穴廟在縣東北二十里王嶺村廟西有石竅深不可測聽之大有風氣人以爲神故立廟有司四月初四日歲祀宋淳化三年建

東嶽廟二一在縣東南五里秦庄村有司歲以三月二十八日致祭一在遷善里

關帝廟在縣南關廂知縣徐行以廟貌弗稱路巷窄隘遷於正南崔府君廟塑像易以冕旒祭期春秋仲月上巳日萬歷二十年知縣趙汝梅修順治十三年知



縣朱輔易民田開拓之俱有碑記

崔府君廟在南關廂順治十六年縣令朱輔徙建西南

山

東嶽天妃廟在北關順治十七年重修

玉皇廟在沙窟村元初建造禱雨輒應年久圯壞康熙  
二十年知縣章經重修有碑記

北極廟在縣南四十里柏林村邑人楊奇碑記

三巖廟在縣西北三里元至大四年重修

龍王廟三一在縣署西乾隆三十二年知縣楊宸建人

馬文止記一在福巖寺一在東關



真澤二真人廟在東南八十里神郊村按二真人樂氏女微子之後本屯留李村人後徙紫團鄉益陽里因採靈芝遇風而昇土人立祠祈禱悉應祠東南幽谷間曰櫻桃掌有真人父母墓其碣署唐乾寧甲寅歲紀父母姓氏時真人降神於巫命改瑩兆宋大觀三年秋旱守臣禱之而雨丐奏仙號以旌嘉應政和辛卯夏四月丙辰勅封真人之號長曰冲惠次曰冲淑廟額曰真澤大建祠宇凡百餘楹縣令李元儒撰修號記金末傾圯元至元五年重修上黨宋渤撰記金陵川趙時安二仙祠記宋崇寧間西夏弗靖軍旅



乏食忽二女子鬻飯救度錢無多寡皆令餐飫軍將  
舉奏遂加封號

風王廟在遷善里

明山大王廟在安善里

神農廟在安化里邑人杜敦有碑記

梓潼廟一在儒學前一在縣南關廂祭期同上丁

藥王廟在縣東南三里秦庄村鳳凰山明正德間邑人

郭修重建有邑人楊鴻碑記

二郎廟在安善里

八蜡廟在邑治南壇康熙二十年知縣章經重修



三老祠在南關廟順治十八年知縣朱輔移建城中康

熙二十年知縣章經雍正八年知縣許溥重修

四輔杜公祠在林青村邑人張鐸有記

白馬祠 劉公祠 魏地形志壺關城有二祠

忠義祠 雍正五年知縣陳如平建乾隆三

十二年知縣楊宸移建儒學前  
節孝祠 在儒學前乾隆三十

二年知縣楊宸建



十一



寺觀

福巖寺在縣北二里龍溪山金大定二十六年建明洪武間置僧會司併洪福聖壽勝泉大明四寺入焉

大覺寺二一在縣南七里四家池一在新興里消軍嶺洪福寺在縣東十五里崇賢村

金山寺在縣北十五里黃陀村元釋子晏建寺無水晏嘿祝巽巖甘泉湧出

廣慈寺在縣東南三十里烏泉山

多寶寺在縣南四十里東柏林村隋開皇年建

寶相寺在縣東南七十里城寨村



雲蓋寺在紫團山下卽駐雲亭也宋王宋明張鐸周一  
梧胥有詩寺旁有參園卽南極園昔有服參飛仙者  
西有磨崖碑

崇雲寺在縣東南百三十里南河椒南碕底張鐸周一  
梧有詩

白雲寺在紫團山上昔紫團真人修真冲舉於此元道  
榮亦隱此寺前有將軍峯卽東西二華表也

慈雲寺在縣東南百里紫團山畔

竹巖寺在縣東南百六十里土人名三崇寺

烏泉寺在烏泉山



祥鹿觀在縣東北三里修善村唐乾封元年建相傳徐  
王元禮爲潞州刺史時獵於檀山逐白鹿至此隱穴  
中因建觀賜今額明洪武十五年置道會司並靈顯  
丹陽歸真三觀入焉

孤松觀在縣南四十里

舊志無照案增入

吉祥觀在縣南三里

馮善寺在遷善里

清涼寺在安善一里清涼山元延祐四年建釋慧冲居

此明崇禎五年僧寂慧募修

大明寺在縣東南十五里東歸善村



福興寺在新興里

龍虎寺在新興二里

寶巖寺在新興二里太行山頂一名金燈寺寺胥石室  
石像北周芋上人修此土人傳寺僧坐禪夜有金燈  
數盞由南山飛入佛前後僧童持筴撲地及視之乃  
樹葉也自是金燈不常見有誠祈者止現崖畔崔士  
榮遊山澗中夜見五燈有詩

清源寺在安善里

龍泉寺在新興里有龍泉水洞

靈顯觀在安善里孝文村世傳呂純陽題詩壁間元至



元二十二年道士牛志信重建進士馬之美撰記并

刻呂仙詩於石

按壺關舊志亦有靈顯觀而不言其所是指平順未分時言之非此外別

有一靈顯觀也

詩記見藝文



龍虎寺在新興三望

寶嚴寺在新興二里大行山頂一名金輝寺寺有石

石像北周寺上人修此寺人信寺僧坐禪夜有金

光出南山飛入佛前像僧持鉢致地及地

樹葉也白是金燈不常見有異所者止現燈

塔遊山頂中夜見五燈有詩

清涼寺靈應山

龍虎寺靈應山頂長亂平頂未公劉言公其地

遠近才三平巖士半志計重數難止福之矣



平陽縣志卷之四

公署

縣署在城西北隅敬惠坊唐貞觀中移治於清流川卽  
今地五代宋金元因之明洪武二年縣丞陳欽建永  
樂間知縣孔陽修中爲大堂堂前爲戒石坊坊左右  
爲皂役棚兩廊爲書吏辦事房坊之前爲二門二門  
外左廟祀衙神右廟祀獄神二門外甬道前爲大門  
左右爲鐘鼓亭大堂左右爲門役房堂後爲二堂二  
堂後樓五間爲住宅大堂東爲藏恕堂前令施是葵  
吳之錡署令徐廷颺相繼修葺懸匾對面爲三堂三



堂後爲幕廳又東廂房爲號件所又南爲厨役房又東北爲馬神廟廟外爲馬棚廟西新建斗室二間宅門內廂房二間爲門房大堂西爲書房對面爲內書室書室後若干間爲群從房縣署自

國朝康熙二十年縣令章經雍正十三年縣令顏肇亮修葺之後圯壞已多乾隆三十年知縣楊宸洩任以次修建稍復舊制 寅賓館乾隆

三十五年知縣秦之柄修

典史署

在大堂西歲久頽圯典史祝志遠修

外委署



在頭門東乾隆三十二年知縣楊宸修

僧會司

在縣治西北福巖寺

道會司

在城內龍王廟

陰陽學醫學俱無定處

常平倉

在縣署西乾隆三十一年知縣楊宸重修又添建六間共五十八間

社倉四座



一在馮坡村一在程頭村一在晉庄村一在長寧村  
義倉七座

一在城北關廂一在辛村一在樹掌村一在東柏林  
村一在固村一在龍鎮村一在烏落村

養濟院

在城北關廂房屋三間額設孤貧三名

普濟堂

在城西門外三官廟南與留養局同院共屋八間

育嬰堂

在城北關廂房屋三間



公館一所

在縣署西乾隆三十二年知縣楊宸建

按舊志有縣丞宅主簿宅察院行署按察分司行署  
俱廢存察院演武場地八畝今爲學田

學校

壺關縣爲中學額設教諭訓導各一員人文學十二名  
武學十二名廩生二十名增生二十名學宮在縣東  
南元至元間縣尹郅朗重建延祐間縣尹張德明洪  
武間知縣呂士安沈溥馬成永樂間知縣張著馬興  
成化間知縣任式嘉靖間知縣張友直段錦何永慶



萬歷間知縣張祥方應明天啟間知縣楊學程次第  
修葺知府劉公復初相度陰陽建泮池尊經閣體制  
煥然矣廟制中爲大成殿旁爲東西廡前爲大成門  
舊名戟門門外爲泮池池左爲名宦祠右爲鄉賢祠泮池

前爲櫺星門門左右參天兩地坊教諭王執蒲建殿  
後爲啟聖祠祠西爲敬一亭廟東爲明倫堂堂前兩  
廊爲日新時習居仁由義齋東爲文昌祠直前爲禮  
門又前爲魁星樓樓左爲忠義祠右爲節孝祠知縣  
楊宸建明倫堂後爲尊經閣左爲教諭宅右爲訓導

宅



國朝順治十三年知縣朱輔重修十五年生員楊振豪  
獨力捐修廟學准貢康熙十七年知縣章經教諭張  
瑞錦捐俸重修乾隆五年知縣劉汝翼領帑修理二  
十四年訓導衛勤修建敬一亭三十一年知縣楊宸  
教諭王執蒲訓導孫悉典史祝志遠協力重修改建  
啟聖祠敬一亭

壺林書院

在儒學東乾隆二十一年知縣馬琰勸紳士杜樞王  
錫璵郭恒等捐建書院鄉耆秦學珍又捐銀一千兩  
入書院交商營運作膏火之費二十二年知縣陳誠



接任落成名曰壺林書院計大門一座二門一座堂  
三間東西耳房四間廂房十間廚房四間共二十一  
間武生郭崑督工膏火銀一千兩并積利銀六百四  
十餘兩一併交商生息掌教修金一百兩肄業生童  
十五名每名按月膏火銀一兩水火夫二名每月工  
食各五錢

社學

舊志在縣治北門今廢



田賦

原額實在上中下四則共地三千七百五頃五十四畝六釐零

上地九百四十七頃六十畝九分四釐

中地二千四百四十六頃八十畝一分六釐零

下地三百頃一十二畝九分五釐零

更名田下地一十一頃

以上共徵地銀二萬八千六百兩五錢五分二釐內有免耗匠價銀九十四兩五分遇閏加徵起解銀四兩四錢



一酒課銀三十兩五錢

丁徭

原額下上下中下下三則共丁二萬二千七百六十  
七丁

下上則二十六丁

下中則三千二百三十九丁

下下則一萬九千五百二十三丁

以上共徵丁銀三千一百二十六兩九錢六分

通共地丁匠價酒課共銀三萬一千七百五十八兩  
一分三釐遇閏加徵起解銀四兩四錢



本色米一石三斗六升零

乾隆二十九年併歸平順縣田賦

原額實在上中下三則共地四百五十九頃三十六畝九釐零

上地一百四十八頃二十畝七分五釐零

中地二百六十頃二十三畝一分六釐零

下地五十頃九十二畝一分七釐零

以上共徵地銀三千一百五十五兩三錢九釐零

又匠價銀二兩四錢五分二釐零遇閏加徵銀四兩八分三釐零



一酒課銀六錢

丁徭

原額下中下下二則共丁三千二百六十九丁

下中則八十四丁

下下則三千一百八十五丁

以上共徵丁銀六百三十七兩七分

通共地丁匠價酒課共銀三千七百九十五兩四錢

三分一釐零又潞黎二縣移關地丁銀一十一兩九

錢六分三釐零共銀三千八百七兩三錢九分五釐

零遇閏加徵起解銀四兩八分三釐零



以上田賦合併上中下及更名田共地四千一百六十四頃九十畝一分五釐零共徵地銀三萬一千七百五十五兩八錢六分一釐零又匠價銀二兩四錢五分二釐零又酒課銀三十一兩一錢又潞黎二縣移關地丁銀三十一兩九錢六分三釐零四項共銀三萬一千八百一兩三錢七分七釐零遇閏加徵起解銀八兩四錢八分三釐零

以上丁徭合併三則共丁二萬六千三十六丁共徵丁銀三千七百六十四兩三分

合計兩縣地丁錢糧匠價酒課并潞黎移關地丁銀



兩通共徵銀三萬五千五百六十五兩四錢七釐零  
遇閏加徵起解銀八兩四錢八分三釐零內起運銀  
三萬四千五百四十七兩七錢五釐  
存留銀三千一百七十七兩七錢三釐  
雜課

田房正稅共銀三兩九錢三分九釐

牲畜正稅共銀五兩九錢四分五釐

牙帖稅銀二十兩八錢

當稅銀四百五兩

按此亦無定額視開  
典者之多少爲率



壺關原額鹽引三千六百六十九道 符引九十二

道 乾隆十一年覆准蒲夏二縣撥入壺關餘引二

十四道 乾隆二十九年裁平順縣撥回額引五百

八十八道 符引十五道



兩通共銀三萬五千五百六十五兩四錢七分

過開即銀是解銀八兩四錢八分三釐零內起運銀

三萬四千五百四十七兩七錢五釐

存留銀二千一百七兩七錢三釐

附錄

田房正稅共銀三兩九錢三分九釐

八十八畝 稅銀十五兩四分五釐

十四畝 雜稅二十次平糶平願糶回賸銀五百

畝 雜稅十一平糶平願糶夏二耕糶入壺關倉銀二

壺關縣雜稅銀三千六百六十六畝 稅銀六十二



戶口

定例五年編查一次乾隆二十九年分

編造保甲壺關縣共二萬一千三百一十五戶

分隸平順縣三千九十四戶

共二萬四千四百零九戶

壺關縣共男四萬四千丁女二萬八千九百六十二

口

分隸平順縣共男一萬七百八十四丁女七千四百

九十五口

合併共男五萬四千七百八十四丁女三萬六千



四百五十七口



倉儲

常平倉穀貴時存七糶三價平存七借三加一收息  
遇七分以下年歲免息八分年歲加息現貯穀一  
萬八千一百九十二石零

社倉四處每歲存五借五俱係倉長倉副經理無飯  
食現貯穀三千九百九十九石零

義倉七處每歲存五借五俱係倉長倉副經理有飯  
食現貯穀三千一百一十一石零



縣無遺



兵防

壺關縣分防潞澤營外委把總一員駐縣城戰守步兵

十名官馬一匹

分汛一處

大河營

卽今河郊口駐兵三名本城外委管轄

分隸玉峽關營汛

兵五名仍屬分防平順舊城外委管轄

武事

漢袁紹以甥高幹嶺并州牧曹操拔鄴幹降遂以爲刺



史幹聞操擊烏丸乃執上黨太守舉兵守壺關操遣樂進李典擊之幹還守壺關城十一年正月操擊幹圍壺關三月拔之幹走荊州上洛都尉王琰捕斬之曹操拔鄴進圍壺關不下令曰拔城皆坑之連月不能下曹仁諫曰圍城必示之活門所以開其生路也今公告之必死則人將自爲守且城固而糧多頓兵堅城之下攻必死之寇非計也操從之遂降其城晉劉元海使劉聰攻壺關命石勒率所統七千爲前鋒都督劉琨遣護軍黃秀等救壺關勒敗秀於白田秀死之勒遂陷壺關東晉永嘉二年王彌與劉



聰共攻上黨圍壺關以石勒爲前鋒都督晉并州刺史劉琨遣護軍黃肅韓述來救聰敗述於西澗敗肅於封田皆殺之會晉王曠兵復敗於長平上黨太守龐淳以壺關降東晉太和五年七月秦尙書令王猛進攻壺關克之執上黨太守南安王越慕容垂奔於符堅曄黃門梁琛皇甫真並諫曄防患并請增并州壺關諸城兵以防未兆曄不聽堅使王猛楊安率衆伐曄猛攻壺關安攻晉陽曄使慕容評等率中外精卒四十餘萬距之猛安進師潞州評與猛戰於潞州評師大敗死者五萬餘人後魏天興五年十



一月太祖征姚興次晉陽遣左將軍莫提率衆三千討上黨群盜秦頗丁零翟都於壺關上黨太守捕頗斬之都走林慮提搜山窮討盡平之宋將劉彥之遣其部將姚縱夫濟河攻冶坂魏世祖慮更北入遣平南將軍公孫軌屯壺關會上黨丁零叛軌討平之

唐武德二年劉武周取長子壺關 宋建康初張所

命岳飛從王彥渡河至新鄉金兵盛彥不敢進飛獨引所部鏖戰奪其纛而舞諸軍爭奮遂拔新鄉翼日戰侯兆以身被十餘鎗士皆死戰又敗之夜屯石門山下或傳金兵復至一軍皆驚飛堅臥不動金兵卒



不來食盡走彥壁乞糧彥不許飛引兵益北戰於太平山擒金將跽拔耶烏居數日復遇敵飛單騎持丈八鐵鎗刺殺黑風大王敵衆敗走飛自知與彥有隙復歸東京留守宗澤金上黨公張開及元戎大戰於壺關勝之元至正十七年十一月壬寅賊侵壺關察罕帖木兒大破之明正德壬申流賊入境崇禎年流賊紫金梁老猢猻入境綿延數十里盤踞六七日同知焦浴率陽和兵至逐之後仍往來東南鄉十六年闖賊李自成僞官張絃至壺國朝順治六年叛賊姜瓖僞官胡宓至壺











